



Headline	Sapura hanya sekadar menang tipis		
MediaTitle	Harian Metro		
Date	02 May 2013	Color	Full Color
Section	Arena	Circulation	324,097
Page No	77	Readership	1,981,000
Language	Malay	ArticleSize	195 cm ²
Journalist	Saiful Affendy Sapran	AdValue	RM 7,202
Frequency	Daily	PR Value	RM 21,605



Sapura hanya sekadar menang tipis

Oleh Saiful Affendy Sapran
saifulaffendy@mediaprima.

Kuala Lumpur: Pasukan berstatus elit, Sapura sekadar mencatat kemenangan tipis 3-2 ke atas barisan remaja UniKL pada perlawanan suku akhir pertama Piala TNB semalam.

Keputusan itu masih belum selamat bagi anak buah Tai Beng Hai kerana peluang masih terbuka luas bagi UniKL untuk melangkah ke saingan separuh akhir sekiranya dapat mengatasi lawan mereka itu pada perlawanan timbal balik esok.

Pada perlawanan yang berlangsung di Stadium Hoki Nasional Bukit Jalil semalam, Sapura di depan terlebih dulu menerusi Muhammad Zubair hasil pukulan sudut penalti seawal minit keempat.

Khasif meledak gol seminit sebelum tamat perlawanan apabila menolak rendah menewaskan penjaga gol UniKL Shahrul Azaddin Auskarzie.

Bersambung babak kedua, Faez merapatkan jurang menerusi pukulan sudut pe-



PEMAIN Sapura (baju merah) cuba menghalang pemain UniKL dari menjaringkan gol.

nalti pada minit ke-50 tetapi Khasif memastikan Sapura terus selesa dengan gol ketiga pada minit ke-59.

Ketika Sapura selesa dengan kelebihan 3-1, Faez berjaya menjaringkan gol kedua UniKL pada minit

ke-65 untuk menghidupkan peluang pasukannya menjelang perlawanan timbal balik esok.

"Kami mendominasi permainan pada separuh masa pertama tetapi gagal memanfaatkan peluang yang

ada.

"Apapun, setiap pemain mempamerkan semangat juang yang tinggi apabila bangkit semula dan mereka sedar peluang masih terbuka luas.

"Kami perlu memperbaiki beberapa perkara terutama sekali pukulan sudut penalti," kata pengendali UniKL Arul Selvaraj.

Sementara itu, Tenaga Nasional Berhad (TNB) menewaskan Terengganu HT juga dengan keputusan 3-2 pada satu lagi perlawanan suku akhir.